



N 17/2021
12.04.2021թ.

«Ալեքսանդր-Մ» ՍՊԸ-ի Տնօրեն
Ն. Մուրադյանին
ք. Երևան, Մաշտոցի 54ա
Էլ. հասցե՝ alexandr.spy@mail.ru

ԾԱՆՈՒՑՈՒՄ

պայմանագիրը միակողմանի լուծելու մասին

Հայաստանի խաղողագործության և գինեգործության հիմնադրամի (այսուհետ՝ Պատվիրատու) և «Ալեքսանդր-Մ» ՍՊԸ-ի (այսուհետ՝ Կատարող) միջև 2021 թվականի մարտի 15-ին կնքված Հայաստանի խաղողագործության և գինեգործության հիմնադրամի կարիքների համար հողային աշխատանքների կատարման թիվ ՀԽԳՀ-ԳՀԱՇՁԲ-21/2 պետական գնման պայմանագրի (այսուհետ՝ Պայմանագիր) 1.1 կետի համաձայն՝ Պատվիրատուն հանձնարարում է, իսկ Կատարողը ստանձնում է հողային աշխատանքների կատարման պարտավորությունը (այսուհետ՝ աշխատանք)՝ համաձայն սույն պայմանագրի (այսուհետ՝ պայմանագիր) անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջների:

Պայմանագրի 1.2 կետի համաձայն՝ աշխատանքը կատարվում է պայմանագրի N 1 հավելվածով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով: Պայմանագրի ընդհանուր գինը կազմում է 3 950 000 (երեք միլիոն ինը հարյուր հիսուն հազար) ՀՀ դրամ և ըստ Պայմանագրով սահմանված վճարման ժամանակացույցով մարտ ամսվա պլանավորվող աշխատանքների վճարը կազմում է 790 000 (յոթ հարյուր ինսուն հազար) ՀՀ դրամ:

Տեղեկացնում եմ, որ Հայաստանի խաղողագործության և գինեգործության հիմնադրամը 30 մարտի 2021 թվականին Ձեր կողմից կատարված աշխատանքների մասով, ներկայացրել է բացասական եզրակացություն և 03.04.2021 թվականին էլեկտրոնային փոստի միջոցով Ձեզ է ծանուցվել այն աշխատանքների անվանումները, որոնք չեն կատարվել կամ կատարվել են թերություններով և համարվում են չկատարված:

Միաժամանակ Պատվիրատուի կողմից Պայմանագրի 2.1 կետի 2.1.2 ենթակետի <<ա>> պարբերությամբ սահմանվել է անպատշաճ որակի աշխատանքը պայմանագրին համապատասխանող աշխատանքով անհատույց փոխարինման ողջամիտ ժամկետ՝ 2 օրացուցային օր: Սակայն ոչ մի քայլ չեք ձեռնարկել, և ի պատասխան այդ գրությանը՝ կրկին ներկայացրել եք անհիմն պատճառաբանություններ և աշխատանքը կատարելու համար անընդունելի և ոչ իրավաչափ պայմաններ:



Վերոնշյալով պայմանավորված Կատարողը խախտել է նաև պայմանագրային պարտավորությունների կատարման ժամկետը, սակայն՝ համապատասխան քայլեՑ չեն ձեռնարկվել:

Պայմանագրով նախատեսված առանձին տեսակի այն աշխատանքը՝ այգիների այգեբացի/ հողածածկի տակից վազերի դուրսբերման/ աշխատանքներ, որոնք Ձեր կողմից ամբողջությամբ կատարվել են, Պատվիրատուի կողմից ընդունվել են և դրանց դիմաց վճարման ենթակա աշխատանքների նախահաշվարկի արժեքը կազմում է 192 000 (մեկ հարյուր ինսնուններկու հազար) ՀՀ դրամ:

Ելնելով վերոգյալի և հիմք ընդունելով Պայմանագրի 2.1.3 կետի <<ա>> և <<բ>> ենթակետերը՝ Պատվիրատուն իրավունք ունի միակողմանի լուծել պայմանագիրը, եթե Կատարողն էականորեն խախտել է պայմանագիրը: Կատարողի կողմից պայմանագիրը խախտելն էական է համարվում, եթե՝

ա) կատարված աշխատանքը չի համապատասխանում պայմանագրի N 1 հավելվածով սահմանված պահանջներին,

բ) խախտվել է աշխատանքի կատարման ժամկետը:

Հաշվի առնելով այն հանգամանքը, որ Կատարողի կատարված աշխատանքները չեն համապատասխանում Պայմանագրի N 1 հավելվածով սահմանված պահանջներին և խախտվել է Պայմանագրով սահմանված պարտավորությունները, Հայաստանի խաղողագործության և գինեգործության հիմնադրամը 09.04.2021 թվականին միակողմանի հրաժարվում է Ընկերության հետ կնքված աշխատանքների գնման պայմանագրից՝ համապատասխանաբար համարելով այն լուծված և պատշաճ ծանուցումը ապահովելու նպատակով կիրառել է ՀՀ կառավարության 2017 թվականի մայիսի 4-ի N 526-Ն որոշմամբ հաստատված <<Գնումների գործընթացի կազմակերպման մասին>> Կարգի 33-րդ կետի 17-րդ ենթակետով սահմանված դրույթները:

Տեղեկացնում ենք Ձեզ, որ «Ալեքսանդր-Մ» ՍՊԸ-ն պարտավոր է սույն ծանուցումն ստանալուց հետո հինգ բանկային օրվա ընթացքում Պայմանագրի 5.2 կետով նախատեսված պայմանով <<Կոնվերսբանկ>> ՓԲԸ -ի կողմից Հայաստանի խաղողագործության և գինեգործության հիմնադրամի անվամբ բացված 1930058282670100 հաշվեհամարին փոխանցել՝ 19 750 (տասնինը հազար յոթ հարյուր հիսուն) ՀՀ դրամ գումար՝ որպես Պայմանագրի շրջանակներում հաշվարկված տուգանք և 2 990 (երկու հազար ինը հարյուր ինսուն) ՀՀ դրամ՝ որպես տույժ Պայմանագրի 5.3 կետի համաձայն (Պայմանագրի չկատարված գումարի նկատմամբ): Հիմք ընդունելով ՀՀ կառավարության 2017 թվականի մայիսի 4-ի N 526-Ն որոշմամբ հաստատված <<Գնումների գործընթացի կազմակերպման մասին>> Կարգի 33-րդ կետի 5-րդ ենթակետով սահմանված դրույթը՝ գնումների դիմաց վճարումներ իրականացնելիս՝ պայմանագրով նախատեսված հիմքերի առկայության դեպքում պատվիրատուն պարտավոր է ապահովել պայմանագրի կողմի նկատմամբ տույժերի ու տուգանքների հաշվարկումը և հաշվանցումը վճարվելիք գումարների հետ: Արդյունքում տույժի ու տուգանքի գումարները ենթակա են հաշվանցման և Պատվիրատուի կողմից

«Ալեքսանդր-Մ» ՍՊԸ-ին վճարման ենթակա գումար է՝ 169 260 (մեկ հարյուր վաթսուներկու հազար երկու հարյուր վաթսուն) ՀՀ դրամ:

Միաժամանակ՝ տեղեկացնում եմ, որ համաձայն Պայմանագրի կատարման ապահովման և որակավորման ապահովման տուժանքների մասին համաձայնագրերի 1.3 կետի՝ համաձայնագրերը և կից վճարման պահանջագրերը կներկայացվեն Ձեր ընկերության սպասարկող բանկ՝ պայմանագրի և որակավորման ապահովման գումարները գանձելու նպատակով և կնախաձեռնվի «Ալեքսանդր-Մ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգ:

Հարգանքով՝
Գործադիր տնօրեն



2. ՄՈՒՐԱԴՅԱՆ